

Eri in tuttu lu rughjonu cavalieru rinumatu
Oghje a machja si lagna, chì l'eternu t'hà chjamatu
À mez'à lu to caminu o Pà, ti ne si andatu

O amicu, o frateddu, cusì ingrata la sorti
Arrubendu ti lu fiatu, chì sò stati li to torti
Tù chì amavala vita di manera cusì forti

Ripigliu...

Purteraghju sempr'in mè lu t'amore di 'ssa terra
A felicità di l'essa quandu spunta l'alba chjara
Arriposati avali o Pà, in la to furesta cara *(instrumental)*

Da lu Taravu è la Rocca è li vaddi d'Alisgiani
Si sò tutti adduniti, amichi è paisani
Quand'hè ghjunta la nutizia causa di tanti danni

Ùn si sinterà più rimi nant'à 'ssi verdi cullini
Ancu l'aceddi sò muti da lu chjosu à li marini
Ùn mughja mancu lu ventu pà sti furesti vicini

Ripigliu...

Quanti galuppi 'emu fattu, quanti sirati di cantu
In sti tempi biniditti ogni ghjornu era un incantu
U soli chì si schiaria era un amori tamantu

A passioni era u to fiatu, u versu la to manera
Ti bastaia un caffè o qualchì campu di fiera
Per sminticà ogni cosa è passà la notti intiera

Ripigliu... (x2)